

【承雨】林伯殷原作

落雨哩！落雨哩！看著大雨點珍等風對偈掃過來，心肝肚正在該想，這陣雨實在就望還久哪！望到圳溝燥式、河壩濂式、水庫也見底咧！望到連田泥就必開來咧！偈正想愛摻手伸出屋簷下摸一下久見个雨，告知無雨下，屋簷水就瀉往出打到地泥下滴滴落落¹，大嫲姑聲提醒偈，講這雨毋會細哦，仰做得打爽式！偈黏時去尋水桶放在屋簷下承雨，想……等水裝湊个時節，好倒入水庫囤起來，看得毋使再過限水無？

看等、看等水桶承个雨緊來緊湊，吾个心肝頭就越來越歡喜，感覺有落大雨還好哪！早恁久咧，滿哪仔都燥絲絲仔，有大雨來解決缺水个問題，還有麼个比這較好个？吾个心肝變到盡貪，想……一陣大雨仰會蟬，係雨無落較久兜仔、落較多兜仔，摻水庫撐到飽飽，若係太陽公三兩下又弄等出來，該就盡無結煞哦！又毋知愛望雨望到幾時？好得屋簷水還係直直瀉，水桶還係當當承，一桶、兩桶、三桶……，水桶承个雨湊了又湊，偈就像人看著水庫个水洩出來樣仔，實在還歡喜哪！

¹ 滴滴落落：音 did did dab dab；形容雨滴打在地面或物體上所發出的聲音。

過一站仔，雨變細也，屋簷水變做一點一个定个定个跌落水桶肚，偈聽著涿、涿、涿个聲音，忽然間想起老屋个承雨聲，該屋外落大雨，屋肚落細雨个時節，地泥下排等个盆頭蟬仔，分屋頂跌下來个雨點打出滴滴涿涿²个聲音，還會隨等落大雨變速、落細雨變慢，暗晡頭係睡在眠床項，用聽个，就如外背个雨落有幾大。係堵著風搖雨掃掃滾³，又聽著屋肚滴滴涿涿个承雨聲，該就愛大愁屋頂毋知會承毋贏風雨嘎塌下來無！平平係承雨，仰在屋簷下摻屋肚會有恁大个爭差呢？好得這下人大體戴樓屋，毋使再過看啊著落大雨就愁屋肚愛承雨無！

天公還惜偈哪！連連續續又落咧當久个雨，各地水庫个水位升加已多，照理講大家較毋使驚無水好用咧，毋過，偈還係知有落雨，就會尋桶仔放在屋簷下承雨，想愛留加兜仔水來用，聽等該滴滴涿涿个聲音，吾个心肝肚無半點愁慮，嘎有一種當滿足个感覺。

² 滴滴涿涿：音 did did dug dug；形容水滴滴在地面或物體上所發出的聲音。

³ 掃掃滾：音 so so gun；形容風雨快速吹掃過的聲音。

111 全國語文競賽客家語朗讀文章國中學生組（四縣腔）

編號 3 號

【家鄉名產】朱淑琴原作

車仔行過鬧熱个都市，來到好山好水个莊下。白雪雲个雲在天頂遊啊遊，青溜溜个田坵連到山腳下，風涼沁沁仔，一陣陣仔个青草味鑽入鼻空，這就係个家鄉——臺灣个長壽村「關西」。講著關西，就會分人想著有名个「仙草」！

阿公阿婆戴在關西，阿公係熱猛个耕種人，屋下也有種仙草。嫩嫩幼幼个仙草，葉仔細細皮、有絨毛，矮矮仔無幾高，一大片仙草田，差毋多半年就做得收成，割下來再過放在禾埕晒，晒到燥絲絲，該就做得煲來食也。

「阿公，該草仔仰會安到仙草呢？」還細該下，盡想問著一個柄來擎个侄緊問阿公。阿公就摺侄講：「頭擺人做田事、行山路，日頭上煎下燻¹，晒到人頭暈腦疫、懶拐拐仔，恁堵好！毋知麼儕恁好心煮咧仙草茶，分人咁咁會發痧，人也精神起來，該怕係仙人送草來哦！還有一種講法：講仙草茶煮一鎗，擺兜仔煨粉攪攪啊，鮮鮮變醃醃，仰般恁大鎗？該怕係仙人來變過！故所『仙草』也安到『仙人草』。」

仙草晒燥來煲水，清涼解毒人人愛。一大埕軟軟个仙草剝剝啊，加兜仔冰碗攪兜仔糖水，軟軟滑滑透心涼！日頭烈烈个熱天，食仙草最退火；冷天時節，寒風咁咁滾，冷到人囉囉掣，一碗碗燒仙草，紅豆、綠豆、番豆，芋圓、粉圓、細板圓共下食，燒氣衝天食到笑連連！滑溜个仙草，對喉連頭溜到肚屎肚，燒暖个感覺也流到歸圓身，實在還享受哦！

仙草也做得做鹹个料理，阿婆用仙草來燉土雞仔，加兜仔紅棗、甘杞，烏金烏金个雞湯，有特別錫人个味緒，看到人个口涎水就溶溶跌！這仙草雞湯分人補身體、有元氣，見擺侄就食到咁嘴撇鼻²哦！

時代緊進步，仙草經過千年百載無分人攏忒，顛倒還較受人歡迎！傳統市場、超級市場，全都有佢个身影。這下，最時行个手搖飲料店，仙草乳茶長透賣到淨淨空空！去到關西名產店，啊哦！還有即溶仙草粉、仙草麵條、仙草茶箍哩！

「一寸土地一寸情，千金難買故鄉情。」仙草毋單淨係客家入愛，還較係大家都知个好名產。實在講：天地精華在這草，清涼補肝又退火，冷燒鹹甜滋味好，關西仙草最係寶！想著家鄉个名產，侄就感覺歡喜又光榮啊！

¹ 上煎下燻：音 song jien¹ ha¹ bod¹；此指上有烈日當空，下得承受太陽的熱輻射。

² 嘴撇鼻：音 se¹ zoi liab¹ pi；食物美味讓人意猶未盡。

III 年全國語文競賽客家語朗讀文章國中學生組（四縣腔）

編號 8 號

【拗桂竹筍¹】郭亭好原作

春日朝晨食飽朝，阿滿姨个電話就來也，講厥桂竹園个竹筍會上筴²咧，喊吾爸、吾姆去同佢搦手拗竹筍。吾爸電話放啊忒同吾姆跔等就去換衫褲，佢看著佢兜在該著水靴仔、戴笠仔、手落仔，佢也想愛跔，就自家換好鞋，拿暖壺企在吾爸个車仔脣等，吾姆看著就講：「你莫跔去徑杈人啦，竹園肚蚊仔了了，你係愛去餵蚊仔係無？」佢嘴扁扁仔毋肯走，緊討愛跔，包尾佢兜無法度咧正帶佢共下去。

竹園當嘔又少人踏到，歸路仔生淦淦滑溜溜仔个溜苔，吾姆正吩咐佢愛較細義兜仔，佢跔等就跌到四脚惹天，吾姆講：「正經係無講無恁死，實在還無結煞！」吾爸看佢歸路仔路路跌，就同佢牽等共下行，已無簡單正拉等佢這個攞屎棍³蹶上竹園肚。

竹園肚，阿滿姨同阿滿姨丈既經在該拗竹筍咧！看著佢兜恁煞手，脚一蹕、手一拗，黏時就裝會歸布袋仔个桂竹筍。吾爸教佢講：「這竹園恁嘔，拗竹筍个時節，一隻手愛揪等竹仔，企好

勢，用另外一隻手拗，若係較細枝个用腳蹕就做得。」人講：「相佛容易刻佛難」，佢學大人用腳蹕，毋係蹕到漂走⁴，無就蹕到鞋殿忒；一擺用手拗，佢出大力揪，腳無企好嘎歸個人滾滾碾輪落坎下，蹕到歸身泥混混仔，該在，該坎無已高、人無仰仔，腳略略欹著定定。吾爸緊拂頭講：「你吉抓捉著拗竹筍个訣，佢看你就搦手同竹筍裝入布袋肚好咧！」就恁樣佢兜無閒忒歸半日仔，吾面也分蚊仔咬到綿咚咚仔，包尾愛轉个時節，阿滿姨同阿滿姨丈緊同佢兜講恁仔細，講打幫有佢兜來搦手，係無佢兜怕愛無閒歸日仔，到斷烏正有好轉，過還分佢兜兩大布袋个竹筍帶轉屋下去料理。

轉到屋下，吾姆个衫褲都還吉換，跔等就兜一張矮凳頭坐在屋簷下剝筍殼也，佢講現拗、現爇个竹筍較清甜。看佢一隻手流掠个同筍尾頓幾下仔，過將頓過个筍尾扭啊扭紋捲往下，一下仔就剝好一枝竹筍哩！爇竹筍愛到火，正會好食，該下晝吾姆也爇竹筍爇忒幾下點鐘久咧！食夜个時節，飯桌項就有幾下項吾姆用桂竹筍煮出來个噴香个好料理：桂竹筍煲爇肉⁵、桂竹筍尾炆排骨湯、桂竹筍炒三層肉，項項都恁好食！因為有去搦拗竹筍，佢試著這擺个竹筍係佢食過盡甜、盡好食个，連分蚊仔叨、種落坎个艱苦，都毋記得咧。

¹ 桂竹筍：音 gie zug sun；桂竹筍。

² 上筴：音 song gong；竹筍漸漸木質化。

³ 攞屎棍：音 lug si gun；形容攞手攞腳惹麻煩的人。

⁴ 漂走：音 piu zeu；從物體表面滑走。

⁵ 爇肉：音 kong nging；紅燒肉。